

Bosna i Hercegovina
Federacija Bosne i Hercegovine
TUZLANSKI KANTON
Ministarstvo finansija

Broj: 07/1-11- 10276/22

Datum: 05.05.2022. godine

Na osnovu člana 70. st. (1) Zakona o javnim nabavkama („Sl. glasnik BiH“ broj: 39/14) u postupku javne nabavke usluga programske podrške – korisničkih licenci za Oracle Cloud, ministar finansija donosi:

ODLUKU o izboru najpovoljnijeg ponuđača

Član 1.

Prihvata se Preporuka Komisije iz Zapisnika o ocjeni ponuda broj: 07/1-11-11980-6/22 od 29.04.2022. godine godine u postupku javne nabavke usluga programske podrške – korisničkih licenci za Oracle Cloud te se utvrđuje da je najpovoljniji ponuđač „Core“ d.o.o. Sarajevo, ponuda broj: 2022-04-103 sa ponuđenom cijenom od 180.200,00 KM bez PDV-a.

Član 2.

Sa ponuđačem „Core“ d.o.o. Sarajevo zaključiti će se Ugovor o javnoj nabavci na period od 11 (jedanaest) mjeseci, a u skladu sa članom 72. i 98. Zakona o javnim nabavkama BiH („Službene novine BiH“ broj: 39/14).

Član 3.

Ova odluka objaviće se na web-stranici www.vladatk.kim.ba i www.minfintk.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama BiH („Službene novine BiH“, broj: 39/14).

Član 4.

Ova odluka stupa na snagu danom donošenja.

Obrazloženje

Postupak javne nabavke usluga programske podrške – korisničkih licenci za Oracle Cloud pokrenut je Odlukom o pokretanju postupka nabavke broj: 07/1-11-7982/22 od 31.03.2022. godine. Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke bila je 180.200,00 KM (bez PDV-a). Obavještenje o nabavci broj: 111-1-2-3-3-11/22 objavljeno je na Portalu javnih nabavki dana 14.04.2022. godine.

Komisija za javnu nabavku imenovana Rješenjem o imenovanju Komisije za javnu nabavku broj: 07/1-11-11980/22 od 05.04.2022. godine izvršila je otvaranje i ocjenu ponude dana 29.04.2022. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 07/1-11-11980-6/22 od 29.04.2022. godine, koji ujedno

predstavlja preporuku o izboru kao i izvještaj o radu Komisije u postupku predmetne javne nabavke.

Iz Zapisnika je utvrđeno da je Komisija za javnu nabavku blagovremeno i pravilno izvršila otvaranje pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna);
- da je blagovremeno zaprimljena 1 (jedna) ponuda;
- da nema neblagovremeno zaprimljenih ponuda;
- da ponuda ponuđača ispunjava uslove predviđene tenderskom dokumentacijom te je sačinila rang listu ponuđača kako slijedi:

Redni broj	Naziv ponuđača	Ukupna cijena sa popustom bez PDV-a (KM)
1	„CORE“ D.O.O. SARAJEVO	180.200,00 KM

Održavanje e-aukcije bilo je predviđeno tenderskom dokumentacijom, a uzimajući u obzir činjenicu da je pristigla samo jedna ponuda koja je ocijenjena kao kvalifikovana, e-aukcija se nije zakazivala.

Komisija za javnu nabavku je predložila da se ugovor za nabavku usluga programske podrške – korisničkih licenci za Oracle Cloud zaključi sa ponuđačem „CORE“ d.o.o. Sarajevo, ponuda broj: 2022-04-103 po ponuđenoj cijeni u iznosu od 180.200,00 KM bez PDV-a.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će zaključiti ugovor sa ponuđačem „CORE“ d.o.o. Sarajevo čija ponuda je ocijenjena kao najuspješnija sa ponuđenom cijenom u skladu sa kriterijem za dodjelu ugovora – najniža cijena, kao što je odlučeno u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka ili elektronskim putem.

Dostaviti:

- „CORE“ d.o.o. Sarajevo
- a/a


MINISTAR
Suad Mustajbašić, dipl. eec